

# Serbski institut Sorbisches Institut

Medijowe wozjewjenje 19. měrca 2019

**Zakónčaca konferenca serbskeje studije we wobłuku projekta SMiLE (Sustaining Minoritized Languages in Europe) 31. meje 2019**

Zakónčaca konferenca serbskeje studije „Serbskej rěči: rewitalizaciske pospyty we wšelakorymaj politiskimaj systemomaj” we wobłuku projekta SMiLE (Sustaining Minoritized Languages in Europe), spěchowany wot Smithsonian Center for Folklife and Cultural Heritage a zaměstnjeny na Serbskim instituče w Budyšinje wotměje so **31. meje 2019** wot 13.00 do 18.00 hodź. w Budyskim Serbskim domje.

Prezentuja so najwažniše dopoznaća wo minjenych a aktualnych prócowanjach k wožiwenju serbskeju rěčow. Konferenca skići wobdźělnikam składnosć, so mjez sobu mysle wuměnić wo połoženju hornjo- a delnjoserbsčiny, wo aktualnych aktiwitach Sakskeje a Braniborskeje kaž tež Serbow samych za spěchowanje serbskeju mjeńšinoweju rěčow a diskutować, što je nuznje trěbne, zo byštej so wobchowatoj a dale wuwijať.

Konferencu zahaji dr. Mary S. Linn, kuratorka za kulturnu a rěčnu rewitalizaciju na Smithsonian Center for Folklife and Cultural Heritage, Washington D.C. a direktorka programa SMiLE. Wona předstaji najwažniše zakłady a zaměry programa. Intensiwny pođnjowski konferencowy program zapřija hłownu prezentaciju projektoweju nawodow dr. Cordule Ratajczakoweje a prof. dr. Nicole Dołowy-Rybińskeje wo rěčneje politice a rěčnym planowanju w Hornjej a Delnjej Łužicy. Přizamknu so dokładna diskusija a dvě prezentaciji projektoweju sobudźěłaćerjow Aleny Pawlikec a Gregora Kliema wo rěčneje praksy w Hornjej a Delnjej Łužicy, wosebje wusměrjenej na młodu generaciju. Druhi dźěl konferency wěnuje so šulskemu systemej mjeńšinowych rěčow. Hosćej konferency prof. Bernadette O'Rourke (Heriot-Watt-universita Edinburgh) a Alejandro Dayán-Fernández (doktorand Heriot-Watt-university, Edinburgh), kotraž slědźitaj wo galicščinje w Španiskej, předstajitaj swojej přepytowani wo imersiwnym projekće Semente, kotryž su w léće 2011 galiciscy rěčni aktiwiscy z měščanskeho miljeja iniciěrowali. Přizamknje so diskusija wo połoženju serbskorěčneho kubłanja a z toho scěhowace přichodne wužadanja.

Prezentacije budu w hornjo- a delnjoserbskej kaž tež w jendźelskej rěči. Skića so simultany přeložk do němčiny.

Hladajo na wobmjezowane capacity prosymy Was wo to, swój zajim hač do **6. meje** z mejlku na dr. Cordulu Ratajczakowu (cordula.ratajczak@serbski-institut.de) wobkrućić.

**Hłowne sydło** · Hauptsitz  
Dwórnišćowa 6 · Bahnhofstraße 6  
D-02625 **Budyšin** · **Bautzen**  
T +49 3591 4972-0  
F +49 3591 4972-14  
si@serbski-institut.de  
www.serbski-institut.de

**Wótnožka za dolnoserbske slěženja**  
Zweigstelle für niedersorbische Forschungen  
Droga Augusta Bebela 82  
August-Bebel-Straße 82  
D-03046 **Chóšebuz** · **Cottbus**  
T +49 355 48576-482  
F +49 355 48576-494  
cottbus@serbski-institut.de



**Serbski Sorbisches  
institut Institut**